

EL ME MURÙS DI VELISE BONFANTE

Töcc i me dis:
mèi de sula che mal compagnada
ma me de sula, völarès mia restaga.

Al me prim murùs, en gran bèl tus,
ghe piazzia nà a scia
isé per fal contènt, senza pèrder tèmp,
so nada a comprà:
sci, dopo sci, rachète, scarpù, de chèi bèi se entènt
ensoma, töt l'equipagiamènt.
En öcc del có i m'era costàcc
e dopo tre més, lü el m'ha molàt.

El secónd, en bèl muritì,
póche parole, serio, fi,
apena en moto el vulia nà
perchè el dizia che ghe paria de ulà.
Apó staolta, senza pèrder tèmp,
de onda vo a tö, töt l'equipagiamènt.
Con lü, en moto, me paria de iga le ale
isé compra apó el giübì col paraspale
e i stiai, bandana, casco, büstì, pancera
l'era tròp bèl, me paria gna vera.
Come l'è - come l'è stada - come sarà stat
en bèl dé eco che apó chèsto el m'ha molàt.

Me dó de fa, e isé,
un àlter murùs so riada a catà
Chèsto l'era biónt e ghe piazzia nà 'n biciclèta
na situaciù perfèta:
compre apena el capilì,
töe sö la bici de me màder
e nóm per strade e strade,
töcc alégher pedalóm
ma el dé che g'hó pensàt:
L'è l'òm per me!
Lü el m'ha molàt dopo tre dé.

Sula vulie mia restà, e a la fì,
'n àlter murùs so riada a catà.
A chèsto ghe piazzia endà en piscina
e me, che vulie con de lü èser carina
g'hó mia dit che de l'acqua ghie pora
per emparà a nudà sö nada a scöla,
nae tre olte a la setimana
ma la ròba pö bèla e la pö strana
l'è stada che, quan g'hó emparàt a nudà,
sensa en perchè, el bèlo, el nat vià.

Pó gh'è stat chèl che vulia nà en montagna
se nae mia en mèis ai bosch l'era na lagna.
Isé endó el naa, ghe nae sèmpèr dre
töt chèl che el vulia fa, la fae apó me ...
e sö e zo per i sentér con del bastù,
isé compra: zaino, boracia e scarpù.

Con chèl che al mar vulia fa na nudada
con poca speza me la so caada.
El subacqueo, envece,
l'è stat car empestàt
bombola e maschera, en car ezageràt.
L'era en bèl òm,
me piazia staga en banda
pecàt che el s'è rivelàt
de l'altra sponda.

El so
l'è mèi de sula che mal acompagnada
isé, dopo töt chèl che g'hó spindit
e l'esperienza fada
en negòse g'hó dervit

“ARTICOLI SPORTIVI”

e sula so restada.

IL MIO FIDANZATO

*Tutti mi dicono:
meglio sola che mal accompagnata
ma io da sola non vorrei restare.*

*Al mio primo fidanzato, un gran bel giovanotto,
piaceva sciare - così per farlo contento, senza perdere tempo,
sono andata a comperare:
sci, dopo sci, racchette, scarponi, di marca ovviamente,
insomma, tutto l'equipaggiamento occorrente.
Un occhio della testa mi è costato
e dopo tre mesi lui, mi ha lasciato.*

*Il secondo, un bel moretino,
poche parole, serio, fine,
solo in moto voleva andare
perché aveva l'impressione di volare.
Anche questa volta, senza perdere tempo
corri a comperare l'equipaggiamento.
Con lui, sulla moto, mi sembrava di avere le ali
così acquista col paraspalle il giubbino
e stivaletti, bandana, casco, pancera, bustino*

*era troppo bello, non mi sembrava vero,
ma com'è - come non è - come sarà stato
un bel giorno anche questo mi ha lasciato.*

*E così mi do da fare, cerca e cerca
e un altro fidanzato riesco a trovare.
Questo era biondo e gli piaceva la bicicletta
una situazione perfetta:
compro solamente il cappellino
prendo la bici di mia madre
e per strade e strade andiamo
e tutti allegri pedaliamo
ma il giorno che ho pensato:
Questo è l'uomo per me!
Dopo tre giorni anche questo mi ha lasciato.
Sola non volevo restare, e alla fine,
trovo un altro fidanzato.
A questo piaceva la piscina
e io, che volevo con lui esser carina
non ho detto che l'acqua mi faceva paura
per nuotare sono andata a scuola,
andavo tre volte alla settimana
ma la cosa più e bella e la più strana
è stata che quando a nuotare ho imparato
senza un perché, il bello se n'è andato.*

*Poi c'è stato quello che piaceva la montagna
e se non andavo nei boschi, era una lagna.
Così, lo seguivo ovunque andava,
e ripetevo tutto quello che faceva
e su e giù per i sentieri coi bastoni,
e compera zaino, borraccia e scarponi.*

*Con quello che al mare voleva fare una nuotata
con poca spesa me la sono cavata.
Col subacqueo, invece, m'è costata cara
bombola e maschera, un occhio della testa.
Era un bell'uomo, mi piaceva stargli accanto
peccato che si è rivelato dell'altra sponda.*

*Lo so
è meglio sola che mal accompagnata
così,
dopo tutto quello che ho speso e l'esperienza fatta
ho aperto un negozio*

*“ARTICOLI SPORTIVI”
e sola son rimasta.*